

): (2^r

Dem Edlen vnd Ehrnvesten
Marx Rehlingern/ Herr zu klein Sißigho-
fen/ 7c. meinem Großgünstigen
Junckhern.

ES Jft ein Altes Teutfches/ doch wahres
Sprichwort/ Wer nie auß kam/ der kame auch nie heim.
Welches dann (wie alle Teutfche Sprichwörter/ fo schlecht
vnd einfältig sie scheinen/ mit wenig vnd runden Worten viel
begreifen) 3wzfachen verftand in sich hatt: einen nach dem
Buchftaben: Als nemblich/ von einem Menfchen der nie auß-
gewandert/ noch frembde Landfchafften befucht: Deßgleichen
keine andere/ als feiner Mutter Spraach/ gelernet/ der auß-
lendifchen Völcker Sitten nicht erkündigt/ noch dero Stätt/ Politien/ Recht/ Statu-
ta, vnd gebräuch/ Auch andere löbliche Handlungen nicht in achtung genommen/ der-
maßen/ daß er folches alles jhme felbften zu feinem thun/ Stande/ vnd wesen nutz ma-
chen köndte. Den andern verftand aber exidentitate rationis, von dem jhenigen/
welcher für sich felbft vngewandert/ vnd vnerfahren/ auch darneben in der Heiligen
Bibel/ Kirchen vnd Weltlichen bewerter Scribenten Hiftorien/ vnd Büchern aller-
dings vnbelefen ift: Da es alß dann diefem Sprichwort nach heiffen folle/ Wer nie
außkam/ das ift/ wer nie in frembden Landen etwas verfucht/ noch auch in Hiftorien
belefen ift: der kame auch nie heim/ das ift/ der weiß auch fein felbs gewachfenen Ver-
ftandt in mangel der erfahrenheit nicht zu gebrauchen/ auch weder von Sachen zu re-
den/ noch

):(2^v

Vorrede.

den/ noch sich in die Zeit zu schicken. Welche beide verstand der erfahrung beftendiglich anhangen/ vnd sie dafelbften hero jren vrsprung nemen/ vnd haben. Dannen hero zu wunfchen/ da je der jenige/ fo frembder Landtschafften/ Völcker/ vnd Regimenten wol erfahren/ es feiner andern obligenden gefchefften/ handlungen vnd beruff/ oder auch anderer vngelegenheiten halber nicht gefchicken kondte/ daß er einen fatten genugfamen bericht der Heiligen vnnd Prophan Hiftorien auß den bewerteften Büchern erlangen möchte/ daß er doch die Hiftorien vnnd Bücher/ fo zu fürderft vnferer Seelenheyl vnd feligkeit betreffen/ Als die heilige Bibel/ Jofephum/ vnd Kirchen hiftorien (die ich gleichfalls mit fchwerem koften allein dem gemeinen Vatterland vnnd allen guthertzigigen Chriften zum beften hie bevor getruckt habe/ vnd noch trucken thu) vnd dan der vier Monarchien/ infonderheit aber deß heiligen Römifchen Reichs/ deß Orientifchen vnd Occidentifchen Keyferthumbs/ deßgleichen der hochlöblichen Teutfcher Nation/ vñ befonderbarer Regimenten ankunfft/ zunehmen/ abnehmen/ vnd vntergang/ Auch herrliche Mannliche thaten/ fitten/ Recht/ gewohnheiten/ gebräuch/ ordnung/ vnd ftände vns zuerkennen geben. Vnd diefer mittler wege würde vns noch zu verwalung der Religion vnd Prophan fachen gefchickte vnd qualificirte Leut bringen. Sind nun aber vnter dem heiligen Römifchen Reich/ dergleichen gewanderte vñ in Hiftorien erfahrene Leut zufinden/ fo würde man diefelbige (der Chur vnd Fürftenthumben vnd anderer Herrfchafften an jetzo gefchweigen) Auch bey den Erb/ frey vnd Reichftätten mit groffer menig zu fuchen wiffen. So viel die weitberühmpte Reichftätt Augfpurg belangen thut/ ift meniglich bewußt/ daß diefelbige nicht allein vnter einem gütigen Himmel/ miltern gefundem Lufft/ vnd an einem fehr luftigen ort gelegen/ fondern auch mit vielen fürnemen Perfonen (fo in der Römifchen Keyfern vnnd Königen/ auch anderer hohen Ständen/ dienften/ wichtigen gefchäften vnnd fachen/ fich ehrlich/ rühmlich vnd wol verhalten haben/ die man geliebter kurtz halben zu nennen vnterläffet/ dann es ohne das genugfam offenbar) vnd mit gefchwinden/ finnreichen vnd nach Ehren vnd Lob ftrebenden ingenijs begabet ift. Vnd zwar vnter denen zweyen löblichen Ehrbarn Gefellfchafftern/ von der Herrn oder ehrlichen Gefchlechtern/ vnd der Kauff oder fürnemen Handelsleuten/ Stuben (welche gleich wie sie tracks aneinander gegen dem Rahthauß vber auffgebawen/ Also auch der eben Gefellfchafftere fich mit verheurungen täglich miteinander vereinbaren/ vnnd eine der andern trefflich wol anftehet) find ettliche/ vnnd der mehrer theil/ welche fo wol in Hiftorien/ Geiftlichen vnd Weltlichen genugfam belesen/ Als auch angedeuter maffen der frembden Landfchafften vnd Völcker durch jhr felbs reyfen erfahren find: Ettliche vnd dero viel/ da sie schon auff die lesung vnd auffmerckung der Hiftorien fich nicht begeben/ jedoch von jugend auff biß zu jrem rechten Alter in frembden Landfchafften fich verhalten/ dero Sitten vnd Sprachen erlernet/ vnd darneben auch die gewonheiten/ gebräuch/ vnd andere löbliche handlungen erkündiget haben: Sehr wenig aber werden derer feyn/ welche weder frembde Landfchafften erfahren/ noch auch in Hiftorien

belesen weren. Dan auch auß der gemeinen Bürgerfchafft/ wie es die täglich erfahrung gibt eine merckliche anzahl obberührter qualifizierter Perfonen zubefinden find. Wie viel mehr foll man die bey den Herrn gefchlechtern vnd Ehrbarn Kauffleuten suchen: Als welche jrem beruff vnd angeborner Adelichen auch berühmten Natur vnd neigung nach/ allein der ehren/ ruhm/ vnd tugenden nachftreben. Derowegen auch nicht allein von dem gemeinen Mann in ehren gehalten/ fondern auch vor andern zu dem Rahtfitz vnd Emptern gezogen werden.

Betreffende infonderheit die Herrn oder Gefchlechtere in Augfpurg/ geben die Annales Auguftani, als man zalt nach der heilmachenden geburt Jefu Chrifti vners HERRN vnd Heilands/ 1368. Jar/ dz derfelben ettliche vnd fünfftzig im wesen/ vnd darunter

): (3^r

Vorrede.

darunter die Rehlinger weder die geringsten noch die letzten/ sondern eben selbiger zeit vnd darvor Weiland Herr Conrad Rehlinger seliger vir Confularis gewesen sey/ welche Herrn vnd Geschlechterfolgends biß auff acht Geschlecht abgestorben/ wie man solchs im Jar 1538. auß angeregte Annalibus abnemmen kan/ Als nemlich biß auff die Herrwart/ Welfer/ Rehlinger/ Langemantel von Sparn/ Langemantel vom R. Hoffmayr/ Rauenpurger/ vnnd Jllfung/ welche noch vbrig verblieben: Solchen abgang zuergentzen/ sind damaln an der abgangenen statt mit gewisser maß vnd geding andere ehrliche Familiaë, vnd derselbigen neun vnd dreyßig auffgenommen worden.

Vnter andern Geschlechtern sind die Rehlinger nicht allein nie außgestorben/ sondern viel mehr biß auff den heutigen tag dermassen durch den Segen Gottes/ herkommen/ erhalten/ auffgestiegen/ erwachsen/ vnnd zugenommen/ daß ob sie wol allzumal von einem Stamm entsprungen/ sie doch in vnterschiedliche Familias sich vertheilet/ aber darneben an Tugendt/ Mannligkeyt/ Verftandt/ Fürsichtigkeyt/ Ehren/ Lob/ Ruhm/ vnd Hoheit nichts abgenommen haben/ vnd jhr reputation auch autoritet noch zuerhalten vnd fort zupflantzen/ sich befließen thun. Vorgemeldte Annales bezeugen/ daß im Jar 1300. Weiland Herr Greinboldus von Rehlingen mit dem Raht vnd Gemein der Statt Augspurg im Monat Julio auff zwey Jar lang eine Bundt= niß auffgerichtet habe mit der condition/ daß sein Hauß vnnd Schloß Schernegk zu aller fürfallender noht/ dem Raht vnd der Gemein dafelbten offen stünde/ vnnd dagegen jhme gleichsals alle Bürgerliche Recht vnd Gerechtigkeiten zugelassen weren: Darauff er auch Schwager schafft gefucht/ vnd seinem Sohn Hans von Rhelingen an eine Jungfrawen auß den Geschlechtern in Augspurg (den Nahmen setzen die Annales nicht) Ehelich bestattet hatt. Welcher Hans von Rehlingen der vrprung vnnd anfang deß vralten löblichen Geschlechts der Rehlinger in Augspurg ist. Dann daß es ein vraltes Geschlecht sey/ das ist darauß zu mercken/ daß vor 288. Jaren die von Rhelingen nicht in der Statt/ sondern auff dem Land gewohnet/ vnd bey eim Raht vnnd Gemein zu Augspurg das ansehen gehabt haben mit in eine verbundtnuß der öffnung vnnd Bürgerrechten respectiue zutreffen. Von folcher zeit an/ haben die Rhelinger sich zu der Statt mit raht vnnd that gehalten/ vnnd sie in dem Raht auch zu den Emptern erwehlet worden/ Also daß sie auch/ wie oben gehört/ im Jar 1368. zum Bürgermeisteramt allbereit erhöhhet gewesen sind/ welches sich fort vnd fôrters continuirt vnd noch/ dan auch bey lebzeiten vnd regierung Weilandt deß Allerdurchleuchtigsten/ Großmächtigsten vñ Vnüberwindtlichsten Römischen Keyfers Caroli V. Hochlöblichster miltefter gedächtnuß/ vñ nemlich im Jar 1548. den 3. Monats tag Augufti/ Als jre Keyf. Majest. den Rath vnd Gericht wie menniglichen bewußt/ geendert von newe besetzt/ geordnet vnd bestetiget/ sind auß dem Geschlecht der Rehlinger/ fünff in Rath vnd drey ins Gericht/ also in allem acht personen erwehlet worden/ Als nemlich Herr Conrad Rehlinger der älter/ deß geheimen Raths/ Leonhart/ Chriftoff Rehlinger/ Burgermeister/ Heinrich Rehlinger (welche vorgeandts 1549. Jars auch den dritten

Augufti höhft gedachte Keyf. May. an Herr Marx Vltets ftat/ zu einem Stattpfleger
ordinieren laffen/ der folches hohe wichtige Amt/ mit groffer fürfichtigkeit müh vñ fon-
derlichen treuwen als ein fehr gelehrter vnd verftändiger Herr in die 26. Jar lang wol
rühmlich/ vnd vnverweißlich verwaltet hatt) Bernhardt Rhelinger/ vnnd Chriftoff/
Rhelingern/ alle deß Rahts/ vnnd dan auch ehrengedachter Herr Chriftoff/ Chri-
ftoff Rehlingern Obern Richter/ Conrad Rhelingern deß eltern Sohne/ Gericht-
perfonen/ welcher maffen vnnd gefallt auch biß auff diefe ftund den Herrn Rehlins-
lingern zuforderft von der Keyferlich. Maieft. vnferm aller gnädigften Herrn/ 7c. vnnd
dann von einem Erfamen Wolweifen Raht vnd Bürgerfchafft der löblichen Reichs-
ftatt Augfpurg/ auß aller gnädigfter wolmeinung vnd gutem vertrauen die höchften

):(iij Empter

): (3^v

Vorrede.

Empter dafelbsten als Stattpfleger/ Baw/ Stewr/ vnd Pflegampt anbefohlen vnd vbergeben worden feyen/ diß alles gibt der heutige tag zuerkennen/ vnd folches alles keiner andern vrfachen halben/ dann daß sie die Herrn Rhelinger nit allein jeder zeit für jhr perfon selbsten neben der lefung vnd auffmerckung Heiliger vnd Weltlicher Hiftorien vnd anderer berühmpter Bücher in jhrer jugendt/ auch frembde Landtschafften/ Völcker/ Spraachen/ Sitten/ recht anordnungen der Regimenten/ ꝛc. obgehörter weiß erkündiget/ erlehret/ begriffen/ vnd jn mit erfahrenheit/ geschicklichkeit/ fleiß vnd mühe nutz gemacht haben/ vnd noch / jhren felbs eigen priuat sachen bestens vermögen vorzuführen/ vnd dann zu gleich dem Vatterland vnd gemeinen nutzen mit getrewem raht vnd that zu dienen vnd alle zeit beyzuführen: Sondern auch sich kein vnkosten/ vngelegenheit/ oder andere beschwerliche sachen abschrecken oder abwenden lassen/ jhre Kinder vnd nepotes gleichermaßen auff ein vnnd andern wege anzuführen vnd zu dem gewünschten Zweck zubringen. Deßwegen sie die Herrn Rhelinger doppelt Ruhms/ Lobs/ vnd Verehrung würdig find/ Ertlich/ daß sie für jhre perfon dem Regiment wol fürföhen/ Vnd zum zweyten/ daß sie auch deß gemeinen nutzens wolfahrt mit vnterweisung jhrer Kinder vnd nepoten ins künftigt bedencken. Der Allmächtige mildtreiche Gott vnd HERR wölle das vralte löbliche Geschlecht der Rhelinger durch seinē Vätterlichen Segen vnterhalten/ vermehren/ vñ schützen/ damit durch jre mühe/ fleiß/ vnd fürsichtigkeyt/ die auch vralte löbliche Reichstätt Augspurg in jhrem gleichfalls vraltem verträwlichen wesen/ frieden vnnd einigkeit erbawet werde/ alles zu Lob vnd Ehren seines Göttlichen Nahmens/ zu gemeiner wolfahrt der Statt/ vnd zu ewigem Ruhm vnnd Preiß der Rhelinger/ auch nach diesem jammerthal zu dem Ewigen Leben/ Amen.

Dieses Vralten Löblichen Geschlechts der Rhelinger Edler Ehrenvefter Großgünstiger Juncker/ kan E. E. vnnd Herrligkeit sich im grund der Wahrheit rühmen vnd erfrewen/ Ertlichen/ daß E. E. vnd Herrligkeit auß folchem Stammen vnzweiflenlich entsprungen vñ erborn: Zum andern/ daß E. E. vnd Herrligkeit jrer Vorfahrn löblichen Fußtapffen nachfolget/ vnd aller Tugend vñ Redligkeit sich befleißiget/ Ehr vnd Ruhm dardurch zuerlangen: Zum dritten/ daß auch E. E. vnd Herrlig. frembde Landtschafften vnd Völcker so wol belichtiget/ als auch derofelben Art/ Sitten/ Gewonheiten/ Recht/ vnd Ordnungen/ ꝛc. mit fleiß/ vnd nit geringem vnkosten erkündiget: Vnd dan letztlichen/ daß E. E. vnd Herrlig. wie ich glaubwürdig bericht worden bin/ zu lefung vnd auffmerckung Geiftlicher vnd Weltlicher Hiftorien vnd Büchern/ Insonderheit aber zu den senigen/ so das Heilige Römische Reich/ die Hochlöbliche Teutche Nation vñ allgemeines Vatterland berühren thun/ nit allein für sich selbsten groffen luften vnd wolgefallen tragen/ sondern auch zu den Perfonen/ welche sich dar auff legen/ vnd dergleichen Hiftorien vnd Bücher in Truck befördern helffen/ eine sonderliche anmutung vnd geneigten günstigen willen haben. Welche vnd andere mehr vrfachen mir groffe anleitung gegeben/ nach dem ich dieses hochnutze/ vnd deß le-

fens auch behaltens wůrdige werck/ von den Hochlůblichften Růmifchen Kůnigen vnd Keyfern/ von derofelben Geburt/ Ankunff / Election/ ꝛc. Von jhren herrlichen Mañlichen thaten/ vnd gantzem Leben/ Auch von jhrem todt/ vnd was fich fonften gedenckwürdiges vor/ in/ vnd nach eines jeden Regierung begeben hatt/ Insonderheit aber/ wie vnd was geltalt es von den Růmern an die Lůbliche Teutfche Nation kommen vñ gelanget fey/ mit hohem fleiß vnd verftandt zufammen getragen/ menniglich zu nutz vñ beftem in Truck zuverfertigen vorhabens. Daffelbige Werck E. E. vnd Herrlig. auß fonderer zu dero tragendē affection / wie auch dem Stammen der Herrn Rhelingern zu ewiger lobwůrdiger gedächtnuß/ dienft/ vnd freundlich zu zufchreiben/ vnd vnter dero fchutz vnd Patrocinio in offnen Truck außgehen zu laffen/ der vnzweiffelichen zuverficht/

):(4^r

Vorrede.

zuverficht/ E. E. vnd Herrligkeit werden folches Werck nicht allein jhre von wegen deß
fcheinbarlichen nutztes vnd luftes (denn E. E. vnd Herrligkeit auß lefung vnd auffmer-
ckung deffelben fpüren werden vnnd follen) günftiglich belieben laffen/ Sondern auch
vermittels der Dedication andern hohen vnnd nidern Stands Perfonen angeneh
vnd gefällig machen/ zufchreibe/ dedicire/ confecrire/ vnnd offerire/ demnach vnnd dar-
umb E. E. vnnd Herrligkeit ich vnten benanter jetztgedachtes nützlichs Werck/ dienft
vnd freundlich/ mit bitt E. E. vnd Herrligkeit wöllen folches von mir günftiglich auff
vnnd annehmen/ vnnd jeder zeit mein günftiger Herr vnd beforderer feyn vnnd bley-
ben/ E. E. vnnd Herrligkeit mich hiemit vnnd dieselbe dem fchutz vnd fchirm deß All-
mächtigen fampt den feinigen befehlende. Datum Franckfurt / den 2. Septem-
ber. 88.

Ewer Ehrenveft vnd Herrligkeit dienft-
williger Sigmund Feyrabend/
Buchhändler dafelbft.

Hiftoria/